

A lactación mixta e con fórmula

11 de Xaneiro de 2021

Tempo estimado de lectura: 2 min

A lactación materna é a forma natural de alimentar ao recém nado e ao bebé, xa que logo, durante os primeiros 6 meses de vida non necesitan nada máis. Despois complementábase con outros alimentos, xa que o leite materno segue a aportar beneficios para ambos os dous.

Cando a lactación materna non é posible, a nai non debe sentirse culpable nin vivir con ansiedade esta situación. Neste momento hai moitos preparados no mercado capaces de satisfacer as necesidades nutricionais do bebé. Lembrade que a composición habitual dos leites maternos e as necesidades dos bebés en cada momento son a base para establecer a fórmula dos compoñentes do leite artificial infantil.

Distínguese entre fórmulas de inicio para os catro ou seis primeiros meses, e as fórmulas de continuación para máis aló dos seis meses, con cantidades e nutrientes adaptados ás distintas necesidades.

Importante: O leite de vaca non se considera un alimento adecuado durante o primeiro ano de vida.

A lactación con biberón pódese iniciar nas primeiras horas, a intervalos de tres ou catro horas, segundo demande o bebé

A cantidade total da ración alimentaria pode sufrir variacións individuais en función do peso e do apetito de cada bebé. En calquera caso, recoméndase sempre consultar o plan de alimentación co equipo de pediatría.



Recomendacións:

- Manter a lactación materna polo menos ata os 6 meses de forma exclusiva, ata o 12 meses con alimentación complementaria e continuar ata os 24 meses sempre que a nai e o bebé así o desexen.
- Establecer prácticas adecuadas de alimentación con biberón.
- Solicitar axuda para resolver todas as dúbidas antes da saída do hospital.